

USARS USHAQE ILOLI LIKAGWAYI ONGEKHO EMTHETHWENI

Tshwane, 2 kuNhlaba 2023 – Ithimba eliphoqelesa umthetho elihlanganisa uPhiko Lwemalingeniso Egoqwayo LwaseNingizimu Afrika, uMnyango Wamaphoyisa kanye ne-Tshwane Metro Police emva kokulunywa indlebe babamba iloli ebelithwele ugwayi ongekho emthethweni eBronkhorstspuit entathakusa zangoMsombuluko, mhla lu-1 kuNhlaba 2023.

Lo gwayi ongemthetho wawungeniswe ezweni wadlula emngceleni i-Beit Bridge lapho owadalulwa khona ngokungelona iqiniso kwathiwa amacembe etiyi. Iloli lamiswa eBronkhorstspuit. Kuthe uma limiswa iloli, umshayeli wabaleka kanti iloli nomthwalo walo kona kuvaleliwe. Iloli lalithwele amakesi amakhulu ayi-1000 kagwayi ongekho emthethweni wenani elilimaza intela ngo-R20 million. Iloli nalokhu ebeliphethe sekuthuthelwe endaweni yakwa-SARS ephephile. USARS uzophinde udalule okunye uma uphenyo seluqhubekile.

UKhomishana wakwaSARS uMnu. Edward Kieswetter udlulise ukubonga kuleli thimba elilandelele ngempumelelo ulwazi elulunikiwe. Uthe “Ngifisa ukudlulisa ukubonga kubantu baseNingizimu Africa abalume indlebe abaphoqelesi bomthetho ngolwazi olunotho kangaka oluholele ekubanjweni kweloli ebelithwele ugwayi ongekho emthethweni. Izwe lilwa nesihlava sikagwayi ongekho emthethweni oshushunjiswa uvela emazweni akhelene nezwe lethu ngenhloso hhayi eyokuwisa abakhiqizi abasemthethweni kuphela kodwa nokuvimbela izintela okumele zingene. Umyalezo wezigebugu ezibandakanyeka emabhizinisini obugebugu owokuthi angeke sikhathale ukubhekana nabo ngqo. Isimemezelo esicacile sithi, thobela imigomo yentela noma ubhekane nemiphumela yokungathobeli”.

Ngolwazi olwengeziwe, sicela uxhumane ne SARSMedia@sars.gov.za